



О‘ЗБЕКISTON RESPUBLIKASI PREZIDENTINING FARMONI

2020 yil « 26 » май

ПФ–6000 -son

Маданият ва санъат соҳасининг жамият ҳаётидаги ўрни ва таъсирини янада ошириш чора-тадбирлари тўғрисида

Сўнгги йилларда Ўзбекистон Республикасида миллий маданиятни янада ривожлантириш, янги Ўзбекистоннинг янги тарихини яратиш, моддий ва номоддий маданий мерос дурдоналарини сақлаш ва тарғиб этиш, халқ оғзаки ижодиёти ва ҳаваскорлик санъатини янада оммалаштириш, юртимизнинг жаҳон маданий маконига фаол интеграциялашувини таъминлаш, маданият ва санъат соҳасини инновацион ривожлантиришга қаратилган тизимли чора-тадбирлар амалга оширилди. Хусусан:

биринчидан, Ўзбекистон Республикаси Президентининг 2018 йил 28 ноябрдаги ПҚ–4038-сон қарори билан **Ўзбекистон Республикасида миллий маданиятни янада ривожлантириш концепцияси** (кейинги ўринларда – Концепция) ва уни амалга ошириш бўйича **“йўл харитаси”** тасдиқланди;

иккинчидан, маданият ва санъат ташкилотларининг **“дўстлар клублари”** фаолиятини йўлга қўйиш орқали уларни ҳар томонлама қўллаб-қувватлаш, моддий-техника базасини мустаҳкамлаш бўйича мутлақо янгича самарали тизим яратилди;

учинчидан, музейлар реновация дастури қабул қилинди, ўзбек халқининг кўҳна ва бетакрор санъати намунаси бўлган **“Хоразм лазгиси”** ЮНЕСКОнинг Инсоният номоддий маданий меросининг репрезентатив рўйхатига киритилди;

тўртинчидан, маданий мерос объектлари ва санъат ашёларини реставрация қилиш бўйича миллий мактаб, шунингдек, халқ чолғулари, миллий рақс, мақом йўналишларида республика кўрик-танловлари қайта тикланди;

бешинчидан, мамлакатимизда мунтазам равишда ўтказиладиган Халқаро мақом санъати анжумани, Халқаро бахшичилик санъати фестивали, “Шарқ тароналари” халқаро мусиқа фестивали, “Буюк ипак йўли” халқаро фольклор санъати фестивали ҳамда “Рақс сеҳри” халқаро фестивали ташкил этилиб, ўзбек мумтоз ва фольклор санъатининг ноёб намуналари ва анъаналарини ҳамда маданий мулоқотни янада ривожлантириш бўйича самарали тизим йўлга қўйилди.

Шу билан бирга, Концепцияни амалга ошириш, соҳада замонавий ахборот-коммуникация технологияларини жорий этиш, юқори малакали кадрларни тайёрлаш, истеъдодли ёш ижодкорларни излаб топиш ва қўллаб-қувватлаш, таълим муассасаларини мусиқа дарсликлари, ноталар тўпламлари ва ўқув-методик адабиётлар билан таъминлашнинг яхлит тизими яратилмаган.

Аҳоли, айниқса, олис ҳудудларда истиқомат қиладиган фуқароларга маданий дам олиш хизматлари кўрсатиш даражасини ошириш, бунинг учун республиканинг барча ҳудудларида театр, музей, кўчма цирк ва ҳайвонот боғлари фаолиятини доимий равишда йўлга қўйиш долзарб вазифа бўлиб қолмоқда.

Юқоридаги вазифаларни самарали амалга ошириш, маданият ва санъат соҳасидаги ислохотларни жадал давом эттириш, маданият органлари ва муассасалари фаолиятини янада такомиллаштириш, шунингдек, 2017–2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясининг ижросини таъминлаш мақсадида:

1. Қуйидагилар:

2020–2021 йилларда Ўзбекистон Республикасида маданият ва санъатни янада ривожлантиришга доир қўшимча чора-тадбирлар дастури 1-иловага мувофиқ;

Ўзбекистон Республикасида миллий маданиятни янада ривожлантириш концепциясининг 2021–2025 йилларга мўлжалланган **мақсадли кўрсаткичлари** 2-иловага мувофиқ тасдиқлансин.

Вазирлар Маҳкамаси Концепцияни амалга ошириш бўйича “йўл хариталари” ва чора-тадбирлар дастурларини қабул қилишда мазкур бандга мувофиқ тасдиқланаётган мақсадли кўрсаткичларнинг бажарилишини таъминлаш бўйича тадбирларни назарда тутсин.

2. Белгилансинки, **2021 йил 1 январдан** бошлаб:

концерт-томоша фаолиятини лицензиялаш, лицензиатларнинг давлат реестрини юритиш, уларнинг фаолияти ва эришган натижалари ҳақидаги ахборотларни киритиб бориш **Концерт-томоша фаолияти иштирокчиларининг ягона онлайн портали** орқали амалга оширилади;

концерт-томоша тадбирига бир марталик рухсатнома бериш учун ундириладиган **йиғим бекор қилинади**;

давлат органлари ва ташкилотларининг асосий вазифа ва функцияларидан келиб чиқиб, уларнинг ташаббуслари билан ўтказиладиган оммавий-маданий ва концерт-томоша тадбирлари ҳар йили тасдиқланадиган **оммавий-маданий ва концерт-томоша тадбирларининг календарь режалари** (кейинги ўринларда – календарь режалар) асосида ўтказилади;

Ўзбекистон Республикаси Президенти, Вазирлар Маҳкамаси ҳамда маҳаллий давлат ҳокимияти органларининг календарь режаларда назарда тутилмаган давлат тадбирларини ўтказишни назарда тутувчи қарорларида ушбу тадбирларни ташкил этиш бўйича кўрсатиладиган хизматлар бўйича **буюртмачилар ҳамда уларни молиялаштириш манбалари** кўрсатилади;

концерт-томоша фаолиятини амалга оширувчи шахслар томонидан давлат органлари ва бошқа ташкилотларнинг буюртмаларига асосан кўрсатиладиган барча хизматлар **ёзма ва ҳақ эвазига тузиладиган шартнома асосида** тақдим этилади, концерт-томоша фаолиятини амалга оширувчи давлат муассасалари ходимлари билан тузилган меҳнат шартномаларидан келиб чиқадиган мажбуриятлар бундан мустасно.

3. Ўзбекистон Республикаси Маданият вазирлиги (кейинги ўринларда – Маданият вазирлиги) ва бошқа давлат органлари томонидан давлат тадбирлари ва бошқа тадбирларга ижодкорлар ва ижрочиларнинг жамоатчилик асосида жалб қилинишига йўл қўйилмаслиги белгилансин.

4. Маданият вазирлиги, Молия вазирлиги, Ўзбекистон композиторлари ва бастакорлари уюшмаси, Мактабгача таълим вазирлиги ва Халқ таълими вазирлиги 2020/2021 ўқув йилидан бошлаб **ноталар тўпламлари ва махсус мусиқий адабиётларни** Ўзбекистон Республикасининг Давлат бюджети маблағлари ҳисобидан чоп этилишини ва уларнинг таълим муассасаларига тўлиқ етказилишини таъминласин.

5. 2020 йил 1 сентябрдан бошлаб давлат органлари ва ташкилотлари тизимидаги концерт, маданият саройлари ва бошқа муассасаларда **тўлиқ жонли ижро асосида** ўтказилган концерт дастурлари учун ижара тўловидан **50 фоиз** чегирма бериш тартиби жорий этилсин.

6. Маданият ва санъат соҳаси вакилларининг **Санъаткор, ижодкор ва ижрочиларнинг муаллифлик ҳуқуқларини ҳимоя қилиш палатасини** (кейинги ўринларда – Палата) ташкил этиш тўғрисидаги ташаббуслари қўллаб-қувватлансин.

Белгилансинки, Палата мулкый ҳуқуқларни жамоавий асосда бошқарадиган ташкилот ҳисобланади.

Маданият вазирлиги Палата фаолиятининг дастлабки босқичларида уни қўллаб-қувватлаш учун Маданият вазирлиги ҳузуридаги Маданият ва санъатни ривожлантириш жамғармаси маблағлари ҳисобидан 1 млрд сўм ажратилишини таъминласин.

Ўзбекистон Республикаси Бош вазирининг ўринбосари **Б.А.Мусаев**, маданият вазири **О.А.Назарбеков** Палата ҳамда мулкый ҳуқуқларни жамоавий асосда бошқарадиган бошқа ташкилотлар фаолиятини ташкил этишга ҳар томонлама кўмаклашсин.

7. Белгилансинки, мулкый ҳуқуқларни жамоавий асосда бошқарувчи ташкилотлар уларга бевосита ҳуқуқ эгалари ёки уларнинг меросхўрлари томонидан берилган ваколатлар доирасида даъво билан судга мурожаат қилган тақдирда давлат божини тўлаш муддати кечиктирилиб, бу бож кейинчалик айбдор тарафдан ундириб олинади.

8. Маданият вазирлиги томонидан харид қилинган, оммавий ижрога мўлжалланган драматик, мусиқали ва мусиқали-драматик асарларни 2020 йил 1 сентябрдан бошлаб **хусусий театрларда ҳам саҳналаштириш ва ижро этишга** рухсат берилсин.

Бунда, хусусий театрларда саҳналаштирилган ҳамда ижро этилган асарлар учун муаллифлик ҳақи тўлаш Маданият вазирлиги ҳузуридаги Маданият ва санъатни ривожлантириш жамғармасига ҳар йили Ўзбекистон Республикасининг Давлат бюджетидан ажратиладиган маблағлар ва ушбу жамғарманинг бошқа даромадлари доирасида амалга оширилиши белгилансин.

9. Бой тарихи, ўзбек миллий кўғирчоқ театри мактабининг шаклланиши ва ривождаги беқиёс ҳиссасини инобатга олиб, Республика кўғирчоқ театрига **Ўзбек Миллий кўғирчоқ театри** номи берилсин.

Маданият вазирлиги ва Молия вазирлиги Навоий, Наманган, Сирдарё ва Тошкент вилоятлари ҳокимликлари билан биргаликда икки ой муддатда ушбу вилоятларда **қўғирчоқ театрларини ташкил этиш** тўғрисидаги Ҳукумат қарори лойиҳасини Вазирлар Маҳкамасига киритсин.

10. Ўзбекистон Республикаси Иқтисодий тараққиёт ва камбағалликни қисқартириш вазирлиги, Молия вазирлиги, Маданият вазирлиги, Қурилиш вазирлиги:

Ўзбекистон Республикасининг 2021-2023 йилларга мўлжалланган ижтимоий ва ишлаб чиқариш инфратузилмасини ривожлантириш дастурларида 2021 йилда Навоий, Наманган, Сирдарё, Қашқадарё, Хоразм ва Тошкент вилоятлари қўғирчоқ театрлари биноларини қуриш, уларга ажратилган биноларни реконструкция қилиш, замонавий ускуналар билан жиҳозлаш ишларини назарда тутсин;

2020 йилга мўлжалланган ижтимоий ва ишлаб чиқариш инфратузилмасини ривожлантириш дастури доирасида мақбуллаштирилган маблағлар ҳисобидан **“Ўзбек давлат цирки”** давлат муассасасининг бино ва иншоотларини реконструкция қилиш, қўшимча равишда ҳайвонларни сақлаш хоналарини қуриш ҳамда замонавий ускуналар билан жиҳозлаш ишларининг тўлиқ молиялаштирилишини, шунингдек қурилиш, реконструкция ва жиҳозлаш ишларини жорий йил охирига қадар тўлиқ якунига етказиб, фойдаланишга топширилишини таъминласин.

11. Қорақалпоғистон Республикаси Вазирлар Кенгаши ва вилоятлар ҳокимликлари Маданият вазирлиги ва Молия вазирлиги билан биргаликда 2020-2021 йиллар давомида Қорақалпоғистон Республикаси республика бюджети, вилоятлар бюджетлари маблағлари ҳисобидан **ҳар бир ҳудудда кўчма цирklar (шапито, дорбозлар гуруҳлари)** ҳамда **ҳайвонот боғлари ташкил этилиши** ва доимий фаолият юритишини таъминласин.

12. 2020 йил 1 сентябрдан бошлаб шундай тартиб жорий этилсинки, унга мувофиқ:

кўчма цирklar (шапито, дорбозлар гуруҳлари) томонидан ўтказиладиган томоша тадбирларига **оммавий тадбир ўтказиш учун рухсатнома** ва рухсат бериш хусусиятига эга бошқа ҳужжатларни олиш талаб этилмайди, бунда тадбир ташкилотчилари уни ўтказиш жойи ва вақти тўғрисида ички ишлар органларини камида 10 кун олдин ёзма равишда хабардор қилади;

ички ишлар органлари, Миллий гвардия ва Фавқулодда вазиятлар вазирлиги органлари кўчма цирклар (шапито, дорбозлар гуруҳлари) томонидан ўтказиладиган томоша тадбирларида **жамоат тартиби ва ёнғин хавфсизлигини тўлов ундирилмаган ҳолда** таъминлайди;

давлат органлари ва ташкилотлари тизимидаги маданият ва истироҳат боғлари, спорт иншоотлари, сайилгоҳлар ва бошқа очиқ ҳудудларда кўчма цирклар (шапито, дорбозлар гуруҳлари) томонидан томоша тадбирлари ўтказиш учун **ижара ва бошқа турдаги тўловлар ундирилмайди**;

номоддий маданий мерос объектларини (дорбоз, аския ва лапар) асраш ва улардан фойдаланиш фаолияти Ўзини ўзи банд қилган фуқароларга вақтинчалик меҳнат гувоҳномалари бериладиган фаолият (хизматлар, ишлар) турлари рўйхатига киради (маданият марказлари таркибида фаолият юритаётган шахслар бундан мустасно) ва уларнинг ушбу фаолиятдан олинган даромадларига жисмоний шахслардан олинган **даромад солиғи татбиқ этилмайди**.

13. Маданият вазирлиги тизимида:

Маданият вазирлиги марказий аппарати тузилмасида маданият муассасалари ва ҳаваскорлик санъатини ривожлантириш, соҳада ахборот технологияларини кенг жорий этиш ва рақамлаштириш масалаларига масъул **вазир ўринбосари лавозими** жорий этилсин;

Ўзбекистон давлат консерваториясининг “Ўзбек мақом санъати факультети” ҳамда Ўзбекистон давлат санъат ва маданият институтининг тегишли таълим йўналишлари ва мутахассисликлари негизида мақом ижрочилиги, бахшичилик ва катта ашула йўналишлари бўйича кадрлар тайёрловчи таянч олий таълим муассасаси – **Юнус Ражабий номидаги Ўзбек миллий musiқа санъати институти** ташкил этилсин;

давлат муассасаси шаклидаги **Маданий мерос илмий-тадқиқот институти** ташкил этилсин;

Республика ихтисослаштирилган эстрада ва цирк мактаби **Карим Зарипов номидаги Республика эстрада ва цирк коллежи** этиб қайта ташкил этилсин;

В.Успенский ва Р.Глиэр номидаги Республика ихтисослаштирилган musiқа **академик лицейлари** мактаб-интернатлар учун белгиланган имтиёзларни татбиқ қилган ҳолда тегишлича В.Успенский ва Р.Глиэр номидаги Республика ихтисослаштирилган musiқа **мактабларига** айлантирилсин.

Ўзбекистон давлат консерваторияси ҳузуридаги Иқтидорли болалар академик лицейи ҳамда Тошкент ихтисослаштирилган маданият мактаби негизда Маданият вазирлиги тизимида **Республика мусиқа ва санъат коллежи** ташкил этилсин;

14. 2020 йил сентябрь ойидан бошлаб давлат музейларида ҳар ойнинг биринчи якшанбаси **“очиқ эшиклар куни”** деб эълон қилинсин.

Белгилансинки, “очиқ эшиклар куни”да фуқаролар музей ашёлари ва музей коллекцияларини кириб кўриш учун давлат музейларига **бепул киритилади**.

15. Маданият вазирлиги, Молия вазирлиги, Қорақалпоғистон Республикаси Вазирлар Кенгаши ва вилоятлар ҳокимликлари 2020–2025 йиллар давомида босқичма-босқич **ҳар бир туман ва шаҳарда** тарих ва маданият давлат музейларининг филиаллари шаклида **ўлкашунослик музейлари ташкил этилиши** ва Ўзбекистон Республикаси Давлат бюджети ҳисобидан молиялаштириладиган музейлар, уларнинг филиал ва бўлимлари рўйхатига киритилишини таъминласин.

16. Ўзбекистон давлат санъат музейига – **санъат соҳасидаги**, Ўзбекистон тарихи давлат музейига – **маданият ва тарих соҳасидаги** барча музейлар фаолиятини илмий-тадқиқот ва методик жиҳатдан мувофиқлаштириш, уларнинг ушбу йўналишлардаги ўзаро ҳамкорлигини таъминлаш, кадрларнинг илмий салоҳиятини ошириш вазифаси юклансин.

Маданият вазирлиги ва Фанлар академияси 2021 йил 1 январга қадар Ўзбекистон давлат санъат музейи ва Ўзбекистон тарихи давлат музейида музейшунослик, санъатшунослик, маданиятшунослик йўналишларида қонун ҳужжатларида белгиланган тартибда **ихтисослаштирилган илмий кенгашлар** ва илмий-методик кенгашлар ташкил этиш чораларини кўрсин.

Маданият вазирлиги Молия вазирлиги ҳамда Бандлик ва меҳнат муносабатлари вазирлиги билан биргаликда икки ой муддатда 2021 йил 1 январдан бошлаб музейларнинг илмий даражага эга бўлган ходимларининг базавий лавозим маошларини ошириш бўйича Вазирлар Маҳкамасига таклиф киритсин.

17. Ўзбекистон Республикаси Вазирлар Маҳкамаси бир ой муддатда етакчи ижодий ташкилотларнинг **“дўстлар клублари”**ни ташкил этиш бўйича ижобий тажрибасини музейлар соҳасига татбиқ этилишини таъминласин.

18. Ўзбекистон Республикаси Олий Мажлиси палаталари, Маданият вазирлиги, “Ўзбеккино” миллий агентлиги, Ўзбекистон Бадиий академияси, Ўзбекистон Ёзувчилар уюшмаси, Ўзбекистон композиторлари ва бастакорлари уюшмаси, Ўзбекистон театр арбоблари уюшмаси, Республика Маънавият ва маърифат маркази ҳамда кенг жамоатчиликнинг маданият ва санъатнинг жамиятимиз ижтимоий-маънавий ҳаётида тутган ўрнини ҳисобга олиб, соҳа ходимларини қўллаб-қувватлаш мақсадида **15 апрель** санасини **“Ўзбекистон Республикаси маданият ва санъат ходимлари куни”** деб эълон қилиш тўғрисидаги таклифи маъқуллансин.

Маданият вазирлиги ўн кун муддатда “Ўзбекистон Республикаси маданият ва санъат ходимлари куни”ни белгилаш бўйича қонун лойиҳасини белгиланган тартибда Вазирлар Маҳкамасига киритсин.

19. Ўзбекистон Республикаси Президентининг 2019 йил 14 январдаги **“Давлат активларини бошқариш, монополияга қарши курашишни тартибга солиш тизимини ва капитал бозорини тубдан такомиллаштириш чора-тадбирлари тўғрисида”**ги ПФ-5630-сон Фармони 6-бандининг “а” кичик банди биринчи хатбошиси “давлат мулки ҳисобланган моддий маданий мероснинг кўчмас мулк объектлари бундан мустасно” сўзлари билан тўлдирилсин.

20. Маданият вазирлиги манфаатдор вазирлик ва идоралар билан биргаликда:

икки ҳафта муддатда Ўзбекистон Республикаси Президентининг **“Ўзбекистон Республикаси Маданият вазирлиги фаолиятини такомиллаштириш чора-тадбирлари тўғрисида”**ги қарори лойиҳасини;

икки ой муддатда қонун ҳужжатларига ушбу Фармондан келиб чиқадиган ўзгартириш ва қўшимчалар тўғрисидаги таклифларни Вазирлар Маҳкамасига киритсин.

21. Мазкур Фармоннинг ижросини назорат қилиш Ўзбекистон Республикаси Президентининг маслаҳатчиси А.А. Абдувахитов ва Ўзбекистон Республикаси Бош вазирининг ўринбосари Б.А. Мусаев зиммасига юклансин.

**Ўзбекистон Республикаси
Президенти**



Ш.Мирзиёев

Тошкент шаҳри

**2020-2021 йилларда Ўзбекистон Республикасида маданият ва санъатни
янада ривожлантиришга доир қўшимча чора-тадбирлар
ДАСТУРИ**

т/р	Тизимли муаммо ва вазифалар	Амалга ошириш механизми	Ижро муддати	Молиялаштириш манбалари	Масъул ижрочилар
I. Маданият ва санъат соҳасида қонунчилик базасини янада такомиллаштириш					
1.	Маданият вазирлиги тизимидаги театрлар, музейлар, маданият марказлари, концерт-томоша, таълим муассасалари ва бошқа муассасаларининг бошқарув, бадий-ижодий, ёрдамчи ва хизмат кўрсатувчи ходимларининг намунавий штатларини такомиллаштириш.	1. Намунавий штатларни хорижий давлатлар тажрибалари асосида қайта кўриб чиқиш. 2. Намунавий штатларга асосан тегишли муассасаларнинг штатлар жадвалларини тасдиқлаш. 3. Ходимларнинг кўп йиллик иш стажи, тоифаси, илмий даражасини ҳисобга олган ҳолда меҳнатга ҳақ тўлашнинг дифференциал тизимини жорий этиш бўйича таклиф киритиш.	2020 йил декабрь	-	Маданият вазирлиги (Назарбеков), Бандлик ва меҳнат муносабатлари вазирлиги (Хусанов), Молия вазирлиги (Ишметов)
II. Моддий ва номоддий мерос ҳамда музейлар соҳасида					
2.	Музейларнинг даромад манбаларини кенгайтириш мақсадида улар томонидан тадбиркорлик фаолиятини амалга ошириш, жумладан товарлар сотиш ва хизматлар кўрсатишнинг ҳуқуқий асосларини белгилашга қаратилган қонун лойиҳасини ишлаб чиқиш.	1. Хорижий тажриба асосида “Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида”ги Қонун лойиҳасини тайёрлаш. 2. Лойиҳани манфаатдор вазирлик ва идоралар билан келишиш. 3. Лойиҳани белгиланган тартибда Вазирлар Маҳкамасига тақдим этиш.	2020 йил июль	-	Маданият вазирлиги (Назарбеков), Молия вазирлиги (Ишметов), Иқтисодиёт тараққиёт вазирлиги (Ортиқов), Фанлар академияси (Юлдашев), манфаатдор вазирлик ва идоралар

3.	<p>Худудлардаги давлат музейларидаги экспозицияларни замон талабларига асосан янгилаш, реэкспозиция қилиш ишларини ташкил этиш.</p>	<p>1. Талаб доирасида реэкспозиция қилинадиган ва халқаро стандартлар даражасида ташкил этиладиган экспозиция дастурларини шакллантириш. 2. Дастур лойиҳасини тегишли вазирлик ва идоралар билан келишиш. 3. Реэкспозиция ва экспозиция ишларини ташкил этишда хорижий етакчи мутахассисларни жалб қилиш. 4. Ташкил этилган реэкспозиция ва экспозициялардан махсус альбомлар, флаерлар, буклетлар, фото, видео материаллар тайёрлаш.</p>	2020 йил август	Музейларнинг бюджетдан ташқари маблағлари, ҳомийлик хайриялари	Маданият вазирлиги (Назарбеков), вазирликлар ва идоралар
4.	<p>Миллий музей фондини рақамлаштириш бўйича чора-тадбирларни амалга ошириш.</p>	<p>2025 йилга қадар қуйидаги тадбирларни тўлиқ яқунлашни назарда тутувчи Миллий музей фондини рақамлаштириш бўйича “йўл харитаси” лойиҳасини ишлаб чиқиш ва Вазирлар Маҳкамасига киритиш: ҳар бир музей томонидан ўз фондида сақланаётган музей экспонатларининг электрон каталогини яратиш; “Миллий музей фондининг давлат каталоги” электрон каталогини яратиш; музейларнинг электрон каталоглари билан Интернет жаҳон ахборот тармоғи орқали танишиш; Департамент, музейлар, давлат божхона хизмати органлари ва бошқа манфаатдор идоралар ўртасида маданий бойликларни муҳофаза қилиш бўйича ўзаро электрон ахборот алмашиш тизимини яратиш; “виртуал музей”, “рақамли музей” лойиҳаларини амалга ошириш.</p>	2020 йил сентябрь	Маданий мерос жамғармаси, музейларнинг бюджетдан ташқари маблағлари	Маданият вазирлиги (Назарбеков), Фанлар академияси (Юлдашев), тасарруфида музейлар мавжуд бўлган бошқа ташкилотлар

5.	Тошкент шаҳрида Ўзбекистон тарихи давлат музейи учун янги бинолар комплексини қуриш.	Қуйидагиларни назарда тутган ҳолда Тошкент шаҳрида Ўзбекистон тарихи давлат музейи учун янги бинолар комплексини қуриш лойиҳаси бўйича Вазирлар Маҳкамасига таклиф киритиш: бинолар комплексида музей экспонатларини зарур даражада сақлаш, таъмирлаш, илмий тадқиқ этиш, кўргазмага қўйиладиган экспонатлар улушини бир неча баробар ошириш учун шарт-шароитлар яратиш; бинолар комплексини Тошкент шаҳридаги аҳоли ва сайёҳлар энг кўп ташриф буюрадиган масканлар тоифасига киритиш; бинолар комплексини қуриш ишларини ҳар йилги инвестиция дастурлари ҳисобидан молиялаштириш.	2020-2021 йиллар	–	Тошкент шаҳар ҳокимлиги (Артикходжаев), Фанлар академияси (Юлдашев), Маданият вазирлиги (Назарбеков)
6.	Маданий мерос масалалари бўйича ЮНЕСКО билан ҳамкорликда Халқаро маслаҳат кўмитасини ташкил этиш ва унинг фаолиятини қўллаб-қувватлаш.	1. Халқаро маслаҳат кўмитасини ташкил этиш бўйича музокаралар олиб бориш. 2. Халқаро маслаҳат кўмитаси фаолиятини ташкил этиш бўйича таклиф киритиш.	2020 йил декабрь	–	Маданият вазирлиги (Назарбеков), ЮНЕСКО ишлари бўйича миллий кенгаш
7.	“Бухоро”, “Самарқанд”, “Ичан қалъа”, “Сармишсой”, “Шаҳрисабз”, “Термиз” ва “Кўқон” давлат музей-қўриқхоналари ҳудудларининг чегарасини белгилаш ишларини яқунлаш.	1. “Бухоро”, “Самарқанд”, “Ичан қалъа”, “Сармишсой”, “Шаҳрисабз”, “Термиз” ва “Кўқон” давлат музей-қўриқхоналарига бериладиган объектлар якуний рўйхатини шакллантириш. 2. Рўйхатга киритилган объектларнинг чегараларини аниқлаш. 3. Музей-қўриқхоналарнинг чегараларини белгилаш, тегиши ҳужжатларни расмийлаштириш.	2020 йил сентябрь	–	Маданият вазирлиги (Назарбеков), “Давергеодезкадастр” кўмитаси, Бухоро, Самарқанд, Хоразм, Навоий, Қашқадарё, Сурхондарё ва Фарғона вилоятлари ҳокимликлари

8.	<p>Тошкент архитектура-қурилиш институти, Камолиддин Беҳзод номидаги Миллий рассомлик ва дизайн институти, Ўзбекистон миллий университетидида маданий мерос объектларини реставрация (консервация) қилиш бўйича йўналишлар ташкил этиш.</p>	<p>1. Қабул квотаси бўйича эҳтиёжни аниқлаш. 2. Давлат таълим стандартлари, ўқув дастурлари ва махсус режалар ишлаб чиқиш ва тасдиқлаш.</p>	<p>2020-2021 ўқув йилидан бошлаб</p>	<p>Олий таълим муассасаларининг ўз маблағлари ҳисобидан</p>	<p>Олий ва ўрта махсус таълим вазирлиги (Маджидов), Иқтисодиёт тараққиёт вазирлиги (Ортиқов), Маданият вазирлиги (Назарбеков), Қурилиш вазирлиги (Закиров), Бадиий академия (Нуридинов), Фанлар академияси (Юлдашев)</p>
9.	<p>Ўзбекистон маданий меросини асраш, ўрганиш ва оммалаштириш бўйича бутунжаҳон жамияти фаолиятини қўллаб-қувватлаш.</p>	<p>1. Чора-тадбирлар режасини ишлаб чиқиш. 2. Чора-тадбирлар режасини тасдиқлаш учун Вазирлар Маҳкамасига киритиш.</p>	<p>2020 йил август</p>	<p>–</p>	<p>Вазирлар Маҳкамаси, Ўзбекистон электрон оммавий ахборот воситалари миллий ассоциацияси (Абдухаликов), Маданият вазирлиги (Назарбеков)</p>
10.	<p>Аҳолининг кенг қатлами, шунингдек, ўқувчи-ёшлар орасида давлат музейларида сақланаётган миллий моддий маданий мерос бойликлари, жумладан археологик, амалий санъат, нумизматика, литографик каби экспонатларнинг фото ва кўчма кўргазмалари ҳақида тарғибот тадбирларини ташкил этиш.</p>	<p>1. Миллий экспонатлар каталоги асосида тарғибот роликларини тайёрлаш. 2. Таълим муассасалари, корхоналар ва ишлаб чиқариш бирлашмаларида, хизмат кўрсатиш марказларида тарғибот ишларини ташкил этиш. 3. Давлат музейларига жалб этилган ташрифчилар учун экскурсиялар ташкил этиш. 4. Ташрифчиларнинг экспозициялар бўйича фикрлари юзасидан бевосита ва билвосита сўровномалар ташкил этиш.</p>	<p>2020 йил сентябрь ойидан бошлаб мунтазам</p>	<p>Ўзбекистон Республикаси Давлат бюджетидан ажратиладиган маблағлар доирасида, ҳомийлик хайриялари</p>	<p>Маданият вазирлиги (Назарбеков), Халқ таълими вазирлиги, (Шерматов), Олий ва ўрта махсус таълим вазирлиги (Маджидов)</p>

11.	Маданий бойликларни Ўзбекистон Республикаси ҳудудидан олиб чиқиш ва унинг ҳудудига олиб кириш тартибини, шу жумладан ушбу соҳадаги рухсат берувчи ҳужжатларни ва уларни расмийлаштириш жараёнларини соддалаштириш, якка тартибдаги тадбиркорларга маданий бойликларни реализация қилиш фаолияти билан шуғулланиш ҳуқуқини бериш.	<p>1. Ўзбекистон Республикасининг “Маданий бойликларнинг олиб чиқилиши ва олиб кирилиши тўғрисида”ги Қонунига ва бошқа қонун ҳужжатларига ўзгартиш ва қўшимчалар киритиш юзасидан хорижий тажриба асосида таклифлар тайёрлаш.</p> <p>2. Лойиҳани манфаатдор вазирлик ва идоралар билан келишиш.</p> <p>3. Лойиҳани белгиланган тартибда Вазирлар Маҳкамасига тақдим этиш.</p>	2020 йил июль	-	Маданият вазирлиги (Назарбеков), Давлат божхона қўмитаси (Азимов), манфаатдор вазирлик ва идоралар
12.	Халқаро Венеция архитектура биенналесида Ўзбекистон миллий павильонини яратиш.	<p>1. Ўзбекистон миллий павильони концепциясини ишлаб чиқиш.</p> <p>2. Вазирлар Маҳкамасининг фармойиши лойиҳасини тайёрлаш ва Вазирлар Маҳкамасига киритиш.</p> <p>3. Миллий павильонни яратиш ва биенналеда фаол иштирок этиш.</p>	2020 йил сентябрь	Маданият ва санъатни ривожлантириш жамғармаси маблағлари	Маданият вазирлиги (Назарбеков), Ташқи ишлар вазирлиги (Камилов)
13.	Маданият вазирлиги тизимидаги кўзи ожизлар кутубхоналари фаолиятини замонавийлаштириш.	<p>1. Машхур ўзбек ва жаҳон адабиёти асарларини аудиолизация қилиш ва уларни Республика кўзи ожизлар кутубхонасининг интернет сайти орқали аҳолига тақдим этиш.</p> <p>2. Кўзи ожизлар кутубхоналари томонидан масофавий хизматлар кўрсатишни йўлга қўйиш.</p> <p>3. Кўзи ожизлар кутубхоналарининг хизматларини замонавийлаштириш ва улардан фойдалана олиш имкониятини кенгайтириш жараёнига Алишер Навоий номидаги Ўзбекистон Миллий кутубхонаси - ахборот ресурс марказини кенг жалб этиш.</p>	2020-2021 йиллар давомида	Ўзбекистон Республикаси Давлат бюджетидан ажратилган маблағлар доирасида, Ахборот-коммуникация технологияларини ривожлантириш жамғармасининг грантлари, ҳомийлик хайриялари	Маданият вазирлиги (Назарбеков), Молия вазирлиги (Ишметов), Ахборот технологиялари ва коммуникацияларини ривожлантириш вазирлиги (Садиков), Ахборот ва оммавий коммуникациялар агентлиги (Саиджонов)

14.	Ўзбекистон музей экспонатлари иштирокида 2021-2022 йилларда Париж шаҳридаги Араб дунёси институти (Франция), Пекин шаҳридаги Пекин миллий музейи (Хитой) ва Самарқанд шаҳрида ШХТ давлат раҳбарлари саммити доирасида “Ипак йўли” кўргазмасини ташкил этиш ва ўтказиш.	<p>1. Ҳамкорликдаги кўргазма концепциясини ишлаб чиқиш.</p> <p>2. Вазирлар Маҳкамасининг фармойиши лойиҳасини тайёрлаш ва манфаатдор вазирликлар ва идоралар билан келишиш.</p> <p>3. Лойиҳани белгиланган тартибда Вазирлар Маҳкамасига киритиш.</p> <p>4. Кўргазмани юқори савияда ўтказиш.</p>	2020 йил сентябрь Режа асосида	Маданият ва санъатни ривожлантириш жамғармаси маблағлари	Маданият вазирлиги (Назарбеков), Ташқи ишлар вазирлиги (Камилов), Самарқанд вилояти ҳокимлиги
III. Театр, кўғирчоқ театри, кино, цирк, шапито ва миллий анъанавий дорбозлик санъати соҳасида					
15.	Театр, цирк, музей, ҳайвонот боғлари ва бошқа маданият муассасаларига ўқувчи ва талабаларни кенг жалб қилиш.	Барча турдаги таълим муассасалари ўқувчи ва талабаларини маданият муассасаларига мунтазам ташрифларини ташкил этиш.	Доимий равишда	–	Вазирлар Маҳкамаси (Мусаев), Мактабгача таълим вазирлиги (Шин), Халқ таълими вазирлиги (Шерматов), Олий ва ўрта махсус таълим вазирлиги (Маджидов), Маданият вазирлиги (Назарбеков)
16.	Театрлар фаолиятида маркетинг ва реклама тизимини ривожлантириш, театрларга аҳолини жалб қилиш, қизиқтириш, театр санъати тарғиботини янада кучайтириш.	<p>1. Ҳудудларда махсус реклама лавҳалари ва паннолар, баннерлар ўрнатиш учун махсус жой ажратиш ва ўрнатиш.</p> <p>2. ОАВ воситаларида, хусусан теле-радио каналларда театр репертуарлари ва афишалари ёритиш учун махсус вақтлар ажратиш.</p> <p>3. Театрнинг бюджетдан ташқари қўшимча тушумларини кўпайтириш мақсадида ҳар бир театрнинг ўзига хос логотипларини яратиш, сувенир</p>	Доимий равишда 2020 йил июнь	Маданият вазирлиги томонидан давлат-хусусий шериклик асосида жалб қилинадиган маблағлар	Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари, МТРК, (Ходжаев), Маданият вазирлиги (Назарбеков)

		<p>дўконларини ташкил этиш бўйича Вазирлар Маҳкамасига таклиф киритиш.</p> <p>4. Театрларнинг харажатлар сметасида маркетинг ва реклама хизматлари учун харажатларни назарда тутиш, шартнома асосида реклама ишларини ташкил этиш.</p>			
17.	<p>Республикада янгилик сифатида мусиқали, драма ва кўфирчоқ театрлари йўналиши бўйича халқаро театр фестивалини ҳар икки йилда бир марта ўтказиш бўйича таклифлар тайёрлаш.</p>	<p>1. Фестиваль тўғрисида низом лойиҳасини ишлаб чиқиш, унда давлат театрлари ва хорижий театрлар билан ижодий ҳамкорликларни мустаҳкамлаш, аҳолини жаҳоннинг энг намунали сара асарларидан баҳраманд этиш, театрлардаги ижодий ходимларни соҳанинг етук хорижий мутахассислари билан тажриба алмашишини ташкил этишни назарда тутиш.</p> <p>2. Хужжат лойиҳасини Вазирлар Маҳкамасига киритиш.</p>	2020 йил август	Маданият ва санъатни ривожлантириш жамғармаси маблағлари, ҳомийлик хайриялари	Маданият вазирлиги (Назарбеков), Ташқи ишлар вазирлиги, (Камилов), Театр арбоблари уюшмаси (Ахмедов)
18.	<p>Кўчма циркларни (шапито, дорбозлар гуруҳлари) малакали кадрлар билан таъминлаш.</p>	<p>“Ўзбек давлат цирки” давлат муассасаси ва кўчма цирклар (шапито, дорбозлар гуруҳлари) ходимларини хорижий давлатларнинг цирк йўналиши бўйича олий таълим муассасаларида ўқитиш ҳамда уларнинг малакасини ошириш.</p>	Доимий равишда	–	Маданият вазирлиги (Назарбеков)
19.	<p>Театрлар томонидан саҳналаштирилган асарлар муаллифларига тўланадиган муаллифлик ҳақи бўйича қарздорликни бартараф этиш.</p>	<p>1. Маданият вазирлигининг асослантирилган ҳисоб-китобларига асосан мазкур қарор кучга киргунига қадар театрлар томонидан саҳналаштирилган асарлар</p>	2020 йил охирига қадар	Ўзбекистон Республикаси Давлат бюджети	Молия вазирлиги (Ишметов), Маданият вазирлиги (Назарбеков)

		<p>муаллифларига тўланадиган муаллифлик ҳақи бўйича қарздорликнинг тўлиқ бартараф этиш.</p> <p>2. Амалга оширилган ишлар натижаси бўйича Вазирлар Маҳкамасига ахборот киритиш.</p>			
IV. Миллий мусиқа, рақс ва эстрада санъати соҳасида					
20.	<p>Концерт-томоша фаолияти иштирокчиларининг ягона онлайн портали (кейинги ўринларда – Ягона портал) фаолиятини йўлга қўйиш.</p>	<p>Ягона портал орқали лицензиялашни назарда тутган ҳолда Концерт-томоша фаолиятини лицензиялаш бўйича давлат хизматлари кўрсатишнинг маъмурий регламенти лойиҳасини Вазирлар Маҳкамасига киритиш.</p> <p>Қўйидаги имкониятларни назарда тутган ҳолда Ягона портални яратиш: концерт-томоша фаолиятини амалга ошириш учун лицензия талабгорларини Ягона порталда онлайн тарзда, шу жумладан давлат хизматлари марказлари ёки Ягона интерактив давлат хизматлари портали орқали рўйхатдан ўтказиш; лицензия олиш учун тақдим этиладиган барча ҳужжатлар, шу жумладан ижрочининг репертуари тўғрисидаги маълумотлар, ундаги мусиқа ва қўшиқлар талабгор томонидан Ягона порталга киритиш ҳамда доимий равишда янгилаб бориш; талабгорлар (лицензиатлар)нинг интеллектуал мулк объектларига бўлган ҳуқуқларини кафолатлаган ҳолда киритилган мусиқа ва</p>	<p>2020 йил август</p> <p>синов тариқасида – 2020 йил 1 декабрь</p> <p>тўлиқ ишга тушириш – 2021 йил 1 январь</p>	<p>Маданият вазирлиги бюджетдан ташқари маблағлари, “Ўзбекконцерт” давлат муассасаси бюджетдан ташқари маблағлари, давлат-хусусий шериклик шартлари асосида жалб қилинган маблағлар</p>	<p>Маданият вазирлиги (Назарбеков), манфаатдор вазирлик ва идоралар</p>

		<p>қўшиқларни кўчириб олишни истисно қилган ҳолда уларни эшитиш;</p> <p>талабгорлар (лицензиатлар)нинг лицензия талабларига, шу жумладан муайян рейтинг гуруҳига қўйиладиган талабларга мувофиқлигини улар томонидан киритилган маълумотлар асосида автоматик тарзда аниқлаш;</p> <p>талабгор (лицензиат) томонидан киритилган ҳар бир мусиқа ва қўшиқ бўйича уни эшитиб кўрган ва унга овоз берган фойдаланувчилар сонини онлайн ҳисоблаб бориш;</p> <p>талабгор (лицензиат)нинг ижро маҳоратига баҳо беришда фойдаланувчилар томонидан берилган овозларни инобатга олиш;</p> <p>талабгор (лицензиат) томонидан тегишли рейтинг гуруҳи учун белгиланган барча талаблар бажарилган тақдирда лицензия Ягона портал томонидан автоматик тарзда, махсус реквизитларга эга электрон ҳужжат шаклида расмийлаштириш;</p> <p>Ягона порталнинг алоҳида саҳифасида ҳар бир лицензиатга у томонидан йил давомида яратилган янги асарлар, уларга фойдаланувчилар томонидан берилган овозлар, жойларда, хусусан, олис ҳудудларда ўтказилган концерт-томоша дастурлари, давлат тадбирларидаги иштироки, ижодий иш стажи ва бошқа мезонлар бўйича онлайн тарзда балл ҳисоблаб бориш;</p>			
--	--	--	--	--	--

		Маданият вазирлиги томонидан концерт-томоша фаолиятини амалга ошираётган шахслар орасидан давлат мукофотлари билан тақдирлаш учун тавсия этиладиган номзодларни танлаб олишда уларга Ягона портал орқали қўйилган балларни инобатга олиш.			
21.	Ватанга садоқат, осойишталик, ҳаётни, миллатлараро дўстлик ва ҳамжиҳатликни тарғиб этувчи “Ягонасан, муқаддас Ватан!” республика қўшиқлар танловини замонавий ёндашув асосида қайта кўриб чиқиш.	1. Танлов Низомини қайта ишлаш. 2. Танловни тарғиб этиш ва унга кенг оммани жалб этиш бўйича ОАВларида ҳамда ижтимоий тармоқларда махсус роликлар тарғиботини ташкил этиш. 3. Танловни теле-лойиҳа шаклида ўтказиш.	2020 йил июнь-август	Маданият вазирлигининг бюджетдан ташқари маблағлари	Маданият вазирлиги (Назарбеков), Ахборот ва оммавий коммуникациялар агентлиги (Саиджонов), МТРК (Ходжаев)
22.	Интеллектуал мулк объектларининг ҳуқуқий ҳимоясига доир суд амалиётини умумлаштириш.	1. Интеллектуал мулк объектларининг ҳуқуқий ҳимоясига доир ишларни кўриб чиқиш бўйича суд амалиёти материалларини танқидий таҳлил қилиб бориш. 2. Судлар томонидан интеллектуал мулк объектларининг ҳуқуқий ҳимоясига доир ишларни кўриб чиқиш амалиёти умумлашмаларини эълон қилиб бориш.	Доимий равишда	–	Ўзбекистон Республикаси Олий суди (Камилов)
23.	Оммавий-маданий ва концерт-томоша тадбирларини ҳар йили тасдиқланадиган оммавий-маданий ва концерт-томоша тадбирларининг календарь режалари асосида ўтказишни жорий этиш.	2021 йил 1 январдан бошлаб қуйидаги тартибни белгиловчи Оммавий-маданий ва концерт-томоша тадбирларининг календарь режаларини шакллантириш ва тасдиқлаш тартиби тўғрисидаги	2020 йил август	–	Маданият вазирлиги (Назарбеков), Молия вазирлиги (Ишметов), манфаатдор вазирлик ва идоралар

		<p>НИЗОМ лойиҳасини ишлаб чиқиш ва Вазирлар Маҳкамасига киритиш:</p> <p>календарь режалар маданият органлари томонидан бошқа ташкилотларнинг таклифлари асосида республика, Қорақалпоғистон Республикаси, вилоятлар, Тошкент шаҳри, туманлар ва шаҳарлар миқёсида ишлаб чиқилади;</p> <p>календарь режалар тегишлича Вазирлар Маҳкамаси, Қорақалпоғистон Республикаси Вазирлар Кенгаши, вилоятлар, Тошкент шаҳар, туманлар ва шаҳарлар ҳокимликларининг қарорлари билан тасдиқланади ва уларнинг расмий сайтларида эълон қилинади;</p> <p>календарь режаларда ўтказиладиган ҳар бир давлат тадбирининг номи, ўтказиладиган санаси ва жойи, давлат тадбирини ўтказиш бўйича буюртмачи, молиялаштириш манбалари, маданият органлари, бошқа давлат органлари ва ташкилотларининг вазифалари кўрсатилади;</p> <p>календарь режаларда бошқа давлат тадбирлари билан бир қаторда олис ҳудудлардаги аҳолининг маданий ҳордиқ олишини таъминлашга қаратилган концерт-томоша дастурлари ҳам назарда тутилади, бунда ушбу дастурларда иштирок этувчиларнинг транспорт, турар жой ва хизмат сафарлари билан боғлиқ</p>			
--	--	--	--	--	--

		харажатлар тегишли календарь режада назарда тутилган маблағлар доирасида, маҳаллий бюджетларнинг қўшимча манбалари, жисмоний ва юридик шахсларнинг ҳомийлик хайриялари ва қонун ҳужжатларида тақиқланмаган бошқа манбалар ҳисобидан қопланади.			
24.	Маданият ва санъат соҳасида амалга оширилаётган ишлар ва оммавий, маданий, маърифий, томоша ва инфорацион дастурлар ёритилишини кенгайтириш.	<p>1. Маданият ва санъат соҳаси вазирлик ва идоралари ҳамда давлат ва нодавлат оммавий ахборот воситалари, жумладан телеканаллар билан Медиа-пиар режасини ишлаб чиқиш бўйича қўшма ҳамкорлик меморандуми лойиҳасини ишлаб чиқиш.</p> <p>2. Тадбирларни ташкил этиш ва ёритиш бўйича режа ишлаб чиқиш ва тасдиқлаш.</p> <p>3. Тайёрланган маданий-маърифий ва кўнгилочар дастурларнинг сифати ва мазмуни юзасидан аҳоли ўртасида ижтимоий тармоқлар орқали очиқ сўровлар ўтказиш.</p>	2021 йилдан бошлаб мунтазам	-	Ахборот ва оммавий коммуникациялар агентлиги (Саиджонов), ЭОВАМА (Абдухолиқов), Маданият вазирлиги (Назарбеков), Ёзувчилар уюшмаси (Сайидов), Бадий Академия (Нуридинов)
V. Маданият, истироҳат ва ҳайвонот боғлари ҳамда маданият марказлари соҳасида					
25.	Маданият марказлари учун янги бинолар қуриш, реконструкция қилиш, капитал таъмирлаш ва жиҳозлаш.	1. 2021–2024 йилларда янги қуриладиган, реконструкция қилинадиган, капитал таъмирланадиган ва жиҳозланадиган маданият марказларининг манзилли рўйхатини ишлаб чиқиш.	2020 йил октябрь	Ўзбекистон Республикасининг ривожланиш давлат дастури доирасида марказлаштирилган манбалар, республика бюджети маблағлари,	Маданият вазирлиги (Назарбеков), Иқтисодий тараққиёт вазирлиги (Ортиқов), Қорақалпоғистон Республикаси Вазирлар Кенгаши, вилоятлар ва

		2. Манзилли рўйхатни тасдиқлаш бўйича Вазирлар Маҳкамасига таклиф киритиш.		Маданият ва санъатни ривожлантириш жамғармаси маблағлари	Тошкент шаҳар ҳокимлари
VI. Илм-фан, таълим, кадрлар тайёрлаш ва малакасини ошириш соҳасида					
26.	Болалар мусиқа ва санъат мактаблари ва маданият марказларини мусиқа чолғулари билан таъминлаш.	1. Мактабларнинг мусиқа чолғу асбоблари билан таъминланганлик даражасини хатловдан ўтказиш. 2. Мусиқа чолғу асбобларини сотиб олиш бўйича буюртмаларни шакллантириш. 3. Мактабларни мусиқа чолғу асбоблари билан таъминлаш.	2020 йил июль 2020 йил сентябрь	Давлат бюджети маблағлари	Маданият вазирлиги (Назарбеков), Молия вазирлиги (Ишметов)
27.	Аҳоли, жумладан, ёшларнинг ижодий салоҳиятини рўёбга чиқариш учун зарур шарт-шароитларни яратиш ва кенгайтириш.	1. Маданият ва санъатнинг таниқли вакиллари томонидан ўзбек ва жаҳон классик адабиётининг энг ноёб асарларини кенг тарғиб қилиш бўйича “Китобга муҳаббат”, “Мен ўқиган асар”, “Мен севган қаҳрамон” каби хэштег, флешбомларни ташкил этиш. 2. Таниқли маданият ва санъат вакилларининг ижтимоий тармоқлардаги саҳифалари ва каналларида маҳорат дарсларини ташкил этиш, онлайн мулоқотлар орқали иқтидорли ёшларни аниқлаш. 3. Таниқли маданият ва санъат вакилларининг ижодий фаолияти билан бир қаторда, ижтимоий тармоқларда ёш авлодда ватанпарварлик иммунитетини	2020 йил июль ойдан бошлаб мунтазам	–	Маданият вазирлиги (Назарбеков), Ёзувчилар уюшмаси (Сайидов), Бадий академия (Нуридинов), Ёшлар иттифоқи (Саъдуллаев), Ахборот ва оммавий коммуникациялар агентлиги (Саиджонов), ЭОВАМА (Абдуҳолиқов)

		мустаҳкамлашга қаратилган хэштеглари ва онлайн трансляциялари муҳокамасини ташкил этиш.			
28.	Ўзбекистон давлат санъат ва маданият институтида “оммавий маданий тадбирларни ташкил этиш” таълим йўналиши ва ушбу йўналиш бўйича алоҳида кафедра ташкил этиш.	1. Олий таълим учун давлат буюртмасини шакллантиришда “оммавий тадбирларни ташкил этиш” таълим йўналишини киритиш бўйича таклиф тайёрлаш. 2. Ўзбекистон давлат санъат ва маданият институтининг ташкилий тузилмасига ўзгартириш киритиш.	2021/2022 ўқув йилидан бошлаб	-	Маданият вазирлиги (Назарбеков), Олий ва ўрта махсус таълим вазирлиги (Мажидов), Иқтисодиёт тараққиёт вазирлиги (Ортиқов)
29.	Адабий йўналишлар бўйича “Йилнинг энг яхши асари” республика танловини ўтказиш.	1. Танлов низомини ишлаб чиқиш. 2. Ҳар бир номинацияга таниқли адиблар номини бериш. 3. Ҳайъат кенгашини шакллантириш. 4. Мукофот мақсади ва мазмун-моҳияти тўғрисида оммавий ахборот воситаларида тарғибот ишларини олиб бориш. 5. Ғолибларни тақдирлаш маросимини ташкил этиш.	2021 йилдан бошлаб мунтазам	“Ижод” ва “Илхом” жамоат фондлари маблағлари, ҳомийлик хайриялари	Ёзувчилар уюшмаси (Сайидов), Фанлар академияси (Йўлдошев), Маданият вазирлиги (Назарбеков), Республика Маънавият ва маърифат маркази (Ходжиматов)
30.	Меценатлар форумини ўтказиш.	1. Форум концепциясини ишлаб чиқиш. 2. Меценатлар рўйхатига киритиш учун хорижий мамлакатлар вакиллари номзодлари бўйича таклифларни ишлаб чиқиш. 3. Қарор лойиҳасини ишлаб чиқиш ва Вазирлар Маҳкамасига киритиш. 4. Ташкилий қўмита фаолиятини ташкил қилиш.	2020 йил октябрь	Маданият ва санъатни ривожлантириш жамғармаси маблағлари	Маданият вазирлиги (Назарбеков), Ташқи ишлар вазирлиги (Камилов)

		5. Форумни ташкил этиш.	ҳар йили апрель		
31.	Маданият ва санъат соҳасида кадрлар тайёрлаш тизимини такомиллаштириш.	<p>1. Маданият ва санъат соҳасида кадрлар тайёрлаш тизимини такомиллаштириш, шу жумладан қуйидагиларни назарда тутган ҳолда Вазирлар Маҳкамасига таклифлар киритиш:</p> <p>Ўзбекистон давлат консерваторияси ҳамда Ўзбекистон давлат санъат ва маданият институти фаолияти самарадорлигини ошириш, Юнус Ражабий номидаги Ўзбек миллий мусиқа санъати институти фаолиятини ташкил этиш;</p> <p>Алишер Навоий номидаги Ўзбекистон давлат академик катта театри фаолиятини қўллаб-қувватлаш;</p> <p>“Ўзбекистон давлат цирки” давлат муассасаси ҳудудида Республика Эстрада ва цирк коллежи учун янги замонавий бино қуриш.</p>	2020 йил 1 июль	-	Маданият вазирлиги (Назарбеков), манфаатдор вазирлик ва идоралар
VII. Маданият туризми соҳасида					
32.	“Samarkand Half Marathon” халқаро ярим марафонини ўтказиш.	<p>1. Иштирокчиларни халқаро ярим марафонга жалб қилиш ва рўйхатини шакллантириш.</p> <p>2. Ярм марафонни ҳар йили ўтказиш тўғрисидаги қарор лойиҳасини ишлаб чиқиш ва Вазирлар Маҳкамасига киритиш.</p> <p>3. Ярм марафон доирасида таълим ва маданият тадбирларини ўтказиш.</p>	2020 йил ноябрь	Маданият ва санъатни ривожлантириш жамғармаси, Туризмни ривожлантириш давлат қўмитаси ва меценатлик маблағлари	Маданият вазирлиги (Назарбеков), Самарқанд вилояти ҳокимлиги

		4. Ярим марафон ва ғолибларни тақдирлаш маросимини ўтказиш.	ҳар йили октябрь-ноябрь		
33.	Хорижий давлатлар, шу жумладан Марказий Осиё ва Кавказ, МДҲга аъзо давлатлар орасида алоҳида нуфузга эга бўлган, ҳар йили ўтказиладиган мусиқа фестиваллари, мусиқа танловларининг якуний концерт дастурларини Ўзбекистонда ўтказиш.	1. Ўзбекистон Республикасида ўтказиш таклиф этиладиган мусиқа тадбирларини аниқлаш. 2. Мусиқа тадбирларининг ташкилотчилари билан музокаралар ўтказиш. 3. Мусиқа тадбирларини юқори савияда ўтказилишини ташкил этиш.	2021 йилдан бошлаб мунтазам равишда	Ташкилотчиларнинг ўз маблағлари, бюджетдан ташқари маблағлар	Маданият вазирлиги (Назарбеков), Ташқи ишлар вазирлиги (Камилов)
34.	Халқаро камер ва симфоник мусиқа фестивалини ўтказиш.	1. Фестивал ўтказиш концепциясини ишлаб чиқиш. 2. Худудларда, фестивал ўтказиладиган жойларни белгилаш. 3. Фестиваль режа жадвалини тасдиқлаш ва тегишли вазирлик ва идораларга юбориш.	2021 йилдан бошлаб ҳар икки йилда бир марта	Ташкилотчиларнинг ўз маблағлари, ҳомийлик хайриялари	Маданият вазирлиги (Назарбеков), Ўзбекистон Композиторлар ва бастакорлар уюшмаси (Р.Абдуллаев)
35.	Ўзбекистон санъатини халқаро миқёсда кенг тарғиб қилишни ташкил этиш ҳамда ижодкорларни қўллаб-қувватлаш мақсадида “Жаҳон санъати ярмаркаси”ни ташкил этиш.	1. Ярмаркани ташкил этиш бўйича ҳужжат лойиҳасини ишлаб чиқиш. 2. Ҳужжат лойиҳасини вазирлик ва идоралар билан келишиш. 3. Ярмарканинг тарғибот дастурларини амалга ошириш. 4. Ярмаркага маҳаллий ва жаҳонга машҳур халқаро продюсерларни жалб этиш чораларини кўриш.	2021 йил келишув асосида	Маданият ва санъатни ривожлантириш жамғармаси маблағлари, ҳомийлик хайриялари	Маданият вазирлиги (Назарбеков), Ташқи ишлар вазирлиги (Камилов), Ахборот ва оммавий коммуникациялар агентлиги (Саиджонов)
VIII. Маданият вазирлиги ва унинг ҳудудий бўлинмалари ҳамда маданият ва санъат ташкилотларининг моддий-техника базасини мустаҳкамлаш соҳасида					
36.	Маданият вазирлиги ҳудудий бошқармаларининг моддий-техника базасини мустаҳкамлаш.	1. Бир донадан Isuzu SAZ NP 26 русумли транспорт воситаларини (“Автоклуб”) харид қилиш.	2021 йил 1 январь	Маҳаллий бюджет маблағлари	Қорақалпоғистон Республикаси, Бухоро, Фарғона, Жиззах, Хоразм, Наманган, Қашқадарё,

		<p>2. Транспорт воситаларини махсус муסיқий техник ускуналар билан жиҳозлаш.</p> <p>3. Транспорт воситаларини Қорақалпоғистон Республикаси Маданият вазирлиги, вилоятлар маданият бошқармалари ва Тошкент шаҳар маданият бош бошқармасига оператив бошқарув ҳуқуқи асосида бериш.</p>			Самарқанд, Сирдарё, Сурхондарё, Тошкент вилоятлари ва Тошкент шаҳар ҳокимликлари
37.	Қорақалпоғистон Республикаси ва вилоятларда кўчма цирklar (шапито, дорбозлар гурухлари) ҳамда ҳайвонот боғлари ташкил этиш, уларнинг моддий-техника базасини мустаҳкамлаш.	<p>1. Кўчма цирк (шапито, дорбозлар гурухлари) ҳамда ҳайвонот боғларини ташкил этиш бўйича ташаббускорларни аниқлаш.</p> <p>2. Замонавий инфратузилма шароитларига мослашган ҳайвонот боғларини ташкил этиш учун жой ажратиш.</p> <p>3. Кўчма цирк (шапито, дорбозлар гурухлари) ҳамда ҳайвонот боғлари учун зарур моддий-техника ва махсус автотранспорт воситалари харид қилиш.</p> <p>4. Кўчма цирklar (шапито, дорбозлар гурухлари) ҳамда ҳайвонот боғлари ташкил этиш ишларини молиялаштириш учун Қорақалпоғистон Республикаси республика бюджети ва вилоятлар бюджетларидан ажратиладиган маблағларнинг етишмайдиган қисмини Ўзбекистон Республикасининг республика бюджетидан бюджет ташкилотлари объектларини қўриқлаш бўйича</p>	2020-2021 йиллар давомида	Ўзбекистон Республикасининг Давлат бюджети маблағлари	Қорақалпоғистон Республикаси Вазирлар Кенгаши ва вилоятлар ҳокимлари, Маданият вазирлиги (Назарбеков), Молия вазирлиги (Ишметов)

		хизматлар тўлови билан боғлиқ харажатларни мақбуллаштириш ҳисобидан ажратиш.			
38.	Маданият вазирлигининг ташкилий тузилмаси такомиллаштирилиши муносабати билан автотранспорт воситаларини қайта рўйхатдан ўтказиш, кўчмас мулк объектлари ва бошқа мол-мулкка бўлган ҳуқуқларни қайта расмийлаштириш.	<p>1. Қайта ташкил этилаётган, тугатилаётган, ўзгартирилаётган ва бошқа ташкилотлар тизимига ўтказилаётган ташкилотларга бириктирилган автотранспорт воситаларини тегишли йиғимлар ва бошқа тўловларни ундирмаган ҳолда ички ишлар органларида қайта рўйхатдан ўтказиш.</p> <p>2. Қайта ташкил этилаётган, тугатилаётган, ўзгартирилаётган ва бошқа ташкилотлар тизимига ўтказилаётган ташкилотларга бириктирилган кўчмас мулк объектларига ва бошқа мол-мулкка бўлган ҳуқуқларни тегишли йиғимлар ва бошқа тўловларни ундирмаган ҳолда қайта расмийлаштириш.</p>	2020 йил охирига қадар	-	<p>Ички ишлар вазирлиги (Бобожонов), Маданият вазирлиги (Назарбеков)</p> <p>Ер ресурслари, геодезия, картография ва давлат кадастри давлат қўмитаси (Абдуллаев), Маданият вазирлиги (Назарбеков)</p>
39.	Маданият вазирлиги тизимидаги муассасаларни Интернет жаҳон ахборот тармоғига улаш.	Ихтисослаштирилган маданият ва санъат муассасалари, болалар мусиқа ва санъат мактаблари, давлат театрлари, музейлар ва уларнинг филиаллари ҳамда маданият марказларини Интернет жаҳон ахборот тармоғига улаш, оптик толали алоқа линиялари билан тўлиқ таъминлаш чораларини кўриш.	2023 йил охирига қадар	Ўзбекистон Республикасининг Давлат бюджети маблағлари, ташкилотларнинг ўз маблағлари, қонун ҳужжатларида тақиқланмаган бошқа манбалар	Маданият вазирлиги (Назарбеков), Ахборот технологиялари ва коммуникацияларини ривожлантириш вазирлиги (Садиков)

Ўзбекистон Республикаси Президентининг
2020 йил 26 майдаги ПФ-6000-сон Фармониغا
2-илова

Ўзбекистон Республикасида миллий маданиятни янада ривожлантириш
концепциясининг 2021–2025 йилларга мўлжалланган
МАҚСАДЛИ КЎРСАТКИЧЛАРИ

т/р	Тизимли вазифалар	Ўлчов бирлиги	Йиллар кесимида				
			2021	2022	2023	2024	2025
Маданий мерос объектларини муҳофаза қилиш ва музейлар соҳасида							
1.	Ўзбекистон Республикасининг ижтимоий ва ишлаб чиқариш инфратузилмасини ривожлантириш дастурларида моддий маданий мероснинг кўчмас мулк объектларини реставрация қилиш учун харажатларни назарда тутиш.	млрд сўм	50	75	100	125	150
2.	Миллий музей фонди таркибига киритилган музей ашёлари ва музей коллекцияларини реставрация, консервация қилиб бориш.	та	100	150	170	200	230
3.	Музейлар томонидан таълим муассасалари ва йирик ташкилотларда кўчма кўргазмалар сонини ошириш.	та	500	530	570	600	650
Театр ва цирк соҳасида							
4.	Давлат театрлари томонидан намойиш этиладиган спектаклларга томошабинларни жалб этиш.	млн. нафар	2,4	2,8	3,2	3,6	4
5.	Давлат театрларининг халқаро фестиваль ва гастролларга юборилишини ташкил этиш.	та	15	20	25	30	40
6.	Жойларда ўтказиладиган цирк томошаларининг сонини ошириш.	та	397	446	497	551	600

т/р	Тизимли вазифалар	Ўлчов бирлиги	Йиллар кесимида				
			2021	2022	2023	2024	2025
Миллий мусиқа, рақс ва эстрада санъати соҳасида							
7.	Иқтидорли ёшларнинг нуфузли хорижий танловларда иштирокини ошириш.	нафар	250	300	400	450	500
8.	Йўқолиб бораётган миллий рақс услуб ва анъаналарини тиклаш ва ривожлантириш мақсадида ташкил этилган “устоз ва шогирд” миллий рақс мактабларига ўқувчиларни жалб этиш.	та	15	20	25	30	35
9.	Ўзбекистон давлат филармонияси ва унинг ҳудудий бўлимлари томонидан ўтказилаётган концерт-дастурлар сонини ошириш.	та	900	950	1150	1200	1300
Маданият ва истироҳат боғлари ҳамда маданият марказлари соҳасида							
10.	Маданият марказлари, болалар мусиқа ва санъат мактаблари ва умумий ўрта таълим мактабларида маданият ва санъат йўналишларидаги тўғараклар фаолиятини йўлга қўйиш.	мингта	4,7	5	5,25	5,5	5,8
11.	Маданият марказлари, болалар мусиқа ва санъат мактаблари ва умумий ўрта таълим мактабларида маданият ва санъат йўналишларидаги тўғаракларга ёшларни жалб этиш.	фоизда	7	10	15	17	20
12.	Давлат-хусусий шериклик асосида маданият марказлари ва истироҳат боғлари фаолиятини самарали ташкил этиш.	та	35	60	90	110	150
Илм-фан, таълим, кадрлар тайёрлаш ва малакасини ошириш соҳасида							
13.	Болалар мусиқа ва санъат мактабларини олий маълумотли кадрлар билан таъминлаш.	фоизда	45	50	55	60	65

т/р	Тизимли вазифалар	Ўлчов бирлиги	Йиллар кесимида				
			2021	2022	2023	2024	2025
14.	Тизимдаги таълим муассасаларининг хорижий турдош олий таълим муассасалари билан ўзаро ҳамкорлигини йўлга қўйиш.	та	70	80	90	95	100
15.	Маданият ва санъат тизимидаги олий таълим муассасаларининг илмий салоҳиятини ошириш, хусусан илмий даражали кадрлар сонини кўпайтириш.	нафар	7	10	10	10	12
Маданият туризми соҳасида							
16.	Мамлакатимизга хорижий сайёҳлар оқимини янада кўпайтириш мақсадида, Қорақалпоғистон Республикаси, вилоятлар ва Тошкент шаҳрида мавсумий кўнгилочар маданий тадбирлар ташкил этиш.	та	10	20	30	40	55
17.	Хорижий давлатларда Ўзбекистон маданияти ва санъатини тарғиб қилиш ва мамлакатимиз тўғрисида ижобий тасаввурни шакллантиришга йўналтирилган маданий тадбирлар (маданият кунлари, кўرғазмалар, концерт дастурлари) сонини кўпайтириш.	та	15	20	25	30	40
18.	Ўтказиладиган оммавий-маданий тадбирлар, концерт дастурлари ва намоёиш этиладиган спектакллар учун махсус реклама шитларини ўрнатиш.	та	110	190	270	380	500

